



SIARAN AKHBAR 09/2022

**BIRO KAWALAN NARKOTIK NEGARA BRUNEI DARUSSALAM METERAII  
MEMORANDUM PERSEFAHAMAN BERSAMA  
THE PHILIPPINE DRUG ENFORCEMENT AGENCY, REPUBLIK FILIPINA**



**Quezon City, Republik Filipina** – Biro Kawalan Narkotik Negara Brunei Darussalam telah menandatangani satu Memorandum Persefahaman yang bertajuk “*Memorandum of Understanding Between The Philippine Drug Enforcement Agency of the Republic of the Philippines and The Narcotics Control Bureau of Brunei Darussalam on Cooperation in Combating Illicit Traffic and Abuse of Narcotic Drugs, Psychotropic Substances, New Psychoactive Substances, Controlled Precursors and Essential Chemical*” dengan pihak The Philippine Drug Enforcement Agency (PDEA), Republik Filipina pada 14 Disember 2022 di Ibu Pejabat PDEA, Quezon City, Republik Filipina.



Memorandum Persefahaman tersebut telah ditandatangani oleh Dato Paduka Mohd Zalani bin Haji Ismail selaku Pengarah Biro Kawalan Narkotik bagi pihak Negara Brunei Darussalam dan Tuan Yang Terutama Moro Virgilio M. Lazo selaku Ketua Pengarah PDEA bagi pihak Republik Filipina.

Memorandum Persefahaman yang dimeterai adalah bertujuan untuk memperkukuhkan dan mempertingkatkan lagi mekanisme kerjasama dalam sama-sama menangani isu penyalahgunaan dadah di rantau ASEAN melalui skop kerjasama seperti pertukaran maklumat mengenai suspek dan rangkaian dadah, *modus operandi*, kaedah pemeriksaan dan penyembunyian dadah, penghasilan dan penyeludupan dadah, penyiasatan ke atas hasil dari jenayah dadah, kemunculan dadah baharu, amalan terbaik dalam penganalisaan saintifik, rawatan dan pemulihan penagih dadah, penyiasatan dan pendakwaan kes dadah serta pendidikan dan pencegahan dadah.

Dalam melaksanakan Memorandum Persefahaman ini, Negara Brunei Darussalam dan Republik Filipina akan mematuhi dan terus komited terhadap pelaksanaan skop kerjasama dengan memastikan kedaulatan serta perundangan negara masing-masing.

Biro Kawalan Narkotik  
Jabatan Perdana Menteri  
Bandar Seri Begawan  
Brunei Darussalam

05 Jamadilakhir 1444H  
28 Disember 2022M